

P O Z I V

na okrugli sto: „NVO sektor u BiH – Kritički pogled iznutra“

Poštovana/i,

Centar za promociju civilnog društva Vas poziva na Okrugli sto „NVO sektor u BiH – Kritički pogled iznutra“ koji će se održati u **ponedjeljak, 1. aprila, 2019.godine na Fakultetu političkih nauka, Univerzitet u Sarajevu, sala 28/II, sa početkom u 12 časova.**

Okrugli sto ima za cilj da podstakne kritički javni dijalog o mjestu i ulozi NVO sektora danas u BiH.

NVO sektor u Bosni i Hercegovini suočava se sa nizom izazova kao što su fragmentiranost, nesigurni izvori finansiranja, slaba umreženost i podrška ciljnih skupina, te nizak nivo javnog povjerenja i nedostatak efektivnih partnerstava i saradnje, kako unutar sektora tako i nedovoljne interakcije sa okruženjem.

Suočeni sa svim ovim izazovima aktivisti NVO sektora sve češće iniciraju otvoreni dijalog sa ciljem da se nađu odgovori na dileme u kojoj mjeri udruženja danas zaista ostvaruju svoju osnovnu društvenu misiju pokretača promjena ka demokratskom, inkluzivnom i prosperitetnom društvu, da li su NVO postale sami sebi svrha, da li se aktivnostima ostvaruje realan uticaj i poboljšanje stanja u zajednici i društvu, u kojoj mjeri se proklamovana misija našla u drugom planu u odnosu na vlastito samoodržanje kao prioritet.

Učesnici okruglog stola će pokušati da odgovore na ova i druga pitanja u cilju kreiranja kritičkog osvrta na današnje mjesto i ulogu NVO sektora u BiH društvu.

Okrugi sto se održava u okviru aktivnosti OCD Partnerstvo za razvijanje efektivnosti (CPDE) i CIVICUS-a, koji sa Građanskim inicijativama iz Beograda i Balkanskom mrežom za razvoj civilnog društva iz Skoplja organizuju ovogodišnji Svjetski samit civilnog društva i CIVICUS Globalnu sedmicu civilnog društva u Beogradu, od 8 - 12.4.2019.godine. Tom prilikom će biti prezentirani i zaključci sa okruglog stola „NVO sektor u BiH – Kritički pogled iznutra“.

Molimo da učešće potvrdite na telefon +387 33 644 810 ili email omir.tufo@cpcd.ba najkasnije do četvrtka, 28.3.2019.godine.

U očekivanju odgovora i u nadi da ćemo imati zadovoljstvo da Vas vidimo među učesnicima ovog događaja srdačno Vas pozdravljamo